



ISTRA CONTEST CONFERENCE 2024

U četvrtak 03.10.2024. E70X Nebojša, E70AW Amar i E74CX Kristijan su se zaputili oko 07:30h prema Poreču, mjestu održavanja treće Istra Contest Konferencije. Put je prošao bez većih poteškoća, sat vremena smo izgubili u koloni uzrokovanoj zbog saobraćajne nesreće u ulazu u Žepče.

Vrijeme nije bilo na našoj strani, skoro tokom cijelog putovanja jaka kiša je padala. U Poreč smo stigli oko 19h, prvo smo smjestili Kristijana i Nebojšinu suprugu u apartman pa smo se nakon toga zaputili prema hotelu Materada gdje sam se ja smjestio.



Slika 2 - Ulaz u hotel Materada

Sobu sam dijelio sa Ljubom YU4EEA i Lazarom, u lobby-u hotela sam se upoznao sa puno poznatih radio amatera Rankom 4O3A, Bracom E77DX...



Slika 1 - Vrijeme u Poreču

Dan 1

Prvi dan je započeo doručkom u restoranu hotela, nedugo zatim pridružili su mi se Nebojša i njegov sin Kristrijan. U 10h nas je čekala prva prezentacija – 8R7X, dxpedicija u Guyani koji su činili mladi operatori, interesantnu prezentaciju nam je priredio Sven DJ4MX.

Tu sam prvi put vidio kako to izgleda „iza paravana“ planirati i spremati se za jednu dxpediciju.

Nakon prezentacije slijedilo nas je piće dobrodošlice i tu sam imao priliku upoznati Braneta YT3D, Doktora medicine koji se aktivno bavi radio amaterizmom. Imali smo slobodnog vremena do 15h, to smo iskoristili da prošetamo plažom i malo bolje upoznamo grad.




Slika 4 - Kiki E74CX; Nebojša E70X; Amar E70AW



Slika 3 - Ulaz u hotel sa plaže

Naš turizam u Poreču nije trajao dugo, ubrzo nakon sto smo izašli opet je počela da pada kiša i samim time pokvarila nam atmosferu.



Slika 5 - Kiki i ja na vjetrovitj plaži

Slijedeća prezentacija je bila od strane poznate firme u radio amaterskom svijetu – MicroHam. Jozef OM7ZZ nam je predstavio ARCO sisteme za kontrolu rotatora antena, interesantna „điđa“ za \$750 😊, već sam je zamišljao na stolu našeg PPS-a 😂.



Slika 7 - MicroHam ARCO i ARCO Junior



Slika 6 - Pokušaj slike mene sa MicroHam ARCO

Nakon prezentacije MicroHama, slijedi jedna od meni interesantnijih prezentacija, a to je fizički i mentalni aspekti u radio contestingu koju su pripremili dr.med YT3D & dr.med I2VXJ. Tu smo mogli vidjeti kako to neko sa



Slika 9 - Kiki, Zvone i ja na plaži

medicinske strane vidi sjedenje u jednom položaju 48h. Jedna od važnijih tema ove prezentacije je bio san, kako održati

normalan san u 48h contestu, neko je to mogao zamijeniti kafom, neko energetskim pićima a neko ipak ko je imao mogućnosti, dobrim rate-om

😊. Naravno, ne smijemo zaboraviti

važnost sna, pa smo tu dobili neke *tips and tricks* od aktivnih contestera.



Slika 8 - Kiki E74CX i ja E70AW

Nakon prezentacija, sunce se napokon pojavilo, otišli smo malo do plaže da se slikamo i družimo.

Predvečer sam upoznao Alexa YU0X, satelitskog entuzijastu koji mi je pružio priliku da se poslužim njegovom opremom i radim na QO-100 satelitu koristeći 9A/E70AW znak. Oko 30-ak veza, kako SSB tako i CW, izdvojio bi vezu sa Brazilom, PP2RON.



Slika 11 - 9A/E70AW QO-100



Slika 10 - Improvizovani PPS u hotelskoj sobi

Dan 2

Prva prezentacija koju smo slušali taj dan je bila od strane S53M ekipe – S53Matrigs & switching system. Tu smo imali priliku da vidimo kako je ekipa iz Slovenije uspjela da potpuno automatizira svoju stanicu, mnoštvo antena, lineara i filtera je zahtijevalo također jako puno različitih sistema za preklapanje i odabir, nevjerovatna stvar da se sve može kontrolisati putem interneta (odabir lineara, antena, filtera i radio stanica). Nisam neki lik koji pretjerano uživa u priči o relejima ali ova priča je svakako za pohvalu.

Nakon S53M prezentacije slijedi jedna iz Bosne i Hercegovine, a to je bila priča o contest ekipi iz Stjepan Polja poznatijim kao E7CW koje je predstavljao Haso E79AA. Haso nam je predstavio napredak kluba, nove antene i stubove koje su postavili, od početka contestinga iz Stjepan Polja pa sve do danas, jako mi je bilo drago kada sam se i ja našao na jednom od njihovih slajdova prezentacije. Mogu se i pohvaliti time da sam bio član E7CW ekipe u toku CQ WPX CW 2022. godine.



Slika 12 - E79AA; Prezentacija E7CW

U CQ WPX 2022. sam *igrao poziciju* multiplier stanice, tada nisam bio baš vješt sa telegrafijom, sa E7CW ekipom sam probio led i na tome sam im jako zahvalan.

Nakon sjajne izvedbe Hase, slijedi prezentacija o WWYC (World Wide Youth Contesters), 20 godina nakon prvog sastanka u Istri. Prezentaciju smo pratili do dijela kada je mikrofon dobio stariji radio amater i *uvukao* totalno drugu temu koja se ne tiče ni mladih ni



Slika 13 - Ja E70AW; Zvone 9A3LED; Kiki E74CX

WWYC. Sunčani kraj dana nam je bio daleko zanimljiviji pa smo se Zvone 9A3LED, Kiki E74CX i moja malenkost zaputili opet na plažu, opalili par fotki, i vratili se da poslušamo i podržimo prezentaciju mladih iz Hrvatske, njihov godišnji napredak i projekti koji su ostvarili.

Na 9A YOTA prezentaciju se nadovezao S56NE Nejc, mladi contestester iz Slovenije i time predstavio rad S5 YOTA-e. Ne nadano se na kratko uključio i Jules F4IEY te predstavio planove mladih iz Francuske.

Nakon malog predaha, Ranko je predstavio nove proizvode 403A, novopečeni lineari, filteri i tjuneri su svakako dobili cjelokupnu pažnju svih prisutnih.



Slika 14 - Novi PGM - VHF 642 sa 1kW izlazne snage

Nakon prezentacija je počelo grupno slikanje svih prisutnih učesnika *Istra Contest Conference*.



Slika 15 - L-R Zildžo K6AAM; Sejo E74C; Edin E74A; Nebojša E70X; Kiki E74CX; Amar E70AW



Slika 16 - Grupna slika

Polahko dolazi kraj programa trećeg Istra Contest Conference 2024, na kraju, kao šlag na tortu, tombola sa nagradama, objava rezultata 9A DX contesta koji je bio održan u decembru 2023. godine i objava i uručenje diploma i nagrada European HF Championship contesta.



Slika 17 - EUHFC Diploma


Nažalost niko iz ENS ekipe nije ništa dobio na tomboli uprkos velikom broju nagrada, ali poslije toga, za mene je slijedilo nešto vrijednije od ijedne nagrade. Slijedi prozivanje pobjednika EUHFC contesta, kao grom iz vedra neba čujem kako neko izgovara E77ENS, operated by E70AW, ustajem u blagom šoku jer se uopšte nisam nadao da ću biti prozvan, šta više, totalno sam zaboravio da sam ikad radio taj contest. Srce lupa kao ludo pred desetinama radio amatera, pljesak koji je slijedio moje korake na binu i uručenje prve diplome koje sam dobio za klub, rezultat nije bio

poseban, #77 EU ali zato #1 u Bosni i Hercegovini, vjerovatno ni jedna diploma neće biti vrijednija od ove, prve.

Nakon proglašenja pobjednika EUHFC, počinje proglašavanje pobjednika 9A DX 2023 contesta, pod euforijom koja je još trajala pažljivo sam pratio rezultate, *ovog puta se ipak sjećaj da sam radio contest* 😂.



Slika 18 - Uručenje diplome za E77ENS



Slika 19 - Rezultati 9A DX contesta YOUTH Overlay

Dolaze mladi na red, YOUTH kategorija, opet čitam svoj znak na velikom platnu, osjećaj je bio neopisiv, završio sam kao #3, za mene veliki uspjeh. Kao nagradu za treće mjesto čekam plaketu koja će mi biti poslana poštom, inače moja prva plaketa ikad.

Nakon dodjela nagrada, slijedilo je završne riječi organizatora i zatvaranje trećeg Istra Contest Conference.

Večer smo nastavili druženjem u lobby-u hotela, opet sam sreo Alexa YU0X, nedugo za tim, uz moju malu pomoć Kiki E74CX je bio *on air* na QO-100 satelitu.



Slika 20 - Kiki E74CX radi veze na QO-100 satelitu

Jako mi je bilo drago što sam uspio opet aktivirati našeg Kikija i vratiti ga na radio valove. Alex i ekipa su ponijeli cijeli QO-100 setup radi jednog rijetkog DX-a na tim frekvencijama, u pitanju je bio ameriknac iz Gruzije (4L) koji je tih dana radio kao 4L/W7EHC, Kiki je imao sreće pa mu se baš on javio na njegov CQ.

Dan 3

Polahko se svi razilazimo, ustao sam oko 8 sati, spakovao se i čekao Nebojšin poziv za pokret, nakon doručka sam predao ključeve sobe i započeli smo put nazad u Sarajevo. Prije Sarajeva smo svratili do Banja Luke, gdje smo napravili



Slika 21- Antene radio kluba E74EBL u Banja Luci

malo veću pauzu i posjetili radio klub E74EBL, gdje nas je istovremeno čekao klubski linear ACOM 1000 koji je predhodno bio na popravci.

U Sarajevo smo stigli oko 20h.